

Vun driweriwer

erscheint auf www.lenauheim.de

monatliche
Erscheinung

Mai 2020

von Helen Alba

Gaudeamus-Singe

Wie ich doneilich erfahr han, dass heier 150 Jahr seit em Bestehe der Temeschwarer Lenau-Schul gfeiert were hätt solle, han ich zruckdenke misse, wie des zu meiner Zeit war, als ich dorte die Schulbank gedrickt han. Ich han zur erschti Generazion gheert, die acht bzw. zwölf Klasse abschloss hat. Mir han noh Grundschulabschluss a Priefunge ghat, genau weeiß ich nimi in wievill Fächer. Vun eem Bankett han mir selmols noch nix gewisst, mir han gschaut, dass mer vill kenne, um ins Lizeum zu kumme.

Wie des dann gschafft un ich in Temeschwar im Lenaulizeum war, selmols war dann schun die Red vum Bankett un em Gaudeamus-Singe. Was ich 1969 dann ach miterlebt han. Am letschte Schultach, geger Owet, sin mer losgang, um uns bei unsre Lehrer mit eem Ständchen zu bedanke. Un han iwerall des „Gaudeamus igitur“ gsung. Mir ware unser 80 Absolvente vun zwaa Parallelklasse. Erschter sin mer zu de Klassenlehrer un dann dorch die ganzi Stadt, zu all dene, die wu uns in de letschte vier Jahr unerriecht han. Zu Fuß sin mer gang, selmols ware mer jung un es hat uns nix ausgemacht, e ganzi Nacht dorch die Stadt mit Mehala, Fratelia, Ronatz, Weingärten un Freidorf zu laafe. Un die Lehrer han uns sogar bewirt. Vun manchi han mer Kekse, vun anri Waffle oder Bombons kriet. Un manchmol ach Tschitro.

Des „Gaudeamu igitur“ bedeit uf deitsch eigentlich „Lasst uns also fröhlich sein“! Es is es bekannteschti Studentelied der Welt. Sei lateinische Text is in villi Sproche iwersetzt gin. Sei erschti Textspure stamme ausm Mittelalter. Die Melodie derzu is 1788 erschien.

Noh dem Gaudeamus-Singe han mer uns zum Abschlussbankett im Lenauschul-Feschtsaal getroff. Die Kantin war selmols im gleiche Gebeide. Dorte is gekocht gin un die Elftklässler han ufgetraa. Mir ware alle scheen angezoo, doch nit iwertrieb. Noh em Esse han mer sogar tanze kenne. Mir ware villi Schiller, die wu vun alli Derfer herkomm ware un im Internat gewohnt han. Un hätte bei dem Bankett stark gheere wenschtens eemol Walzer un Polka getanzt. Doch Musich war vun eem Plattenspiller un es sin nor Schlager ufgeleet gin.

Die Reifepriefung

Un dernoh is so staat de erschte Priefungstach näkschter kumm. Ich kann mich nit erinnre, dass eener vun meine Klassenkumrade in dere Zeit Privatstunde ghol hat, um beim „Bak“ dorch- un uf der Hochschul ufzukumme. Selmols is gelernt gin, sowohl in der Schul als ach derhem. Mer hat nit vill vun Abschreiwte gewisst, mer hat sich lieber uf sei Kenne verlosst.

Trotz allem war schun ach Herzkloppe derbei. Was uns awer sehr erleichtert hat, des war die Tatsach, dass unser Lehrer uns immer gerot han: Bei der mündlich Priefung denkt: ihr seid jetzt ufgeruft, kummt an die Tafel, zieht e Zettl – iwerleet e Weil un saat dann alles, was der wisst. Bei der schriftlich Priefung kriet der sogar es Thema uf die Tafel gschrieb. Owacht gin, nit tummle! Ihr werd drei Stunde lang Zeit han. Es kummt nit druf an, ob der drei oder finf Seite schreiwte tut. Hauptsach is, dass alles richtich is un ke Schreibfehler vorkumme!